

四庫全書

集部

欽定四庫全書

御定全唐詩卷二百四十五

韓翃

送客一歸襄陽二歸潯陽

南驅匹馬會心期東望扁舟愜夢思  
熨斗山一作坡前春

色早一作草色香爐峰頂暮煙時  
空林欲訪龐一作辛居士古

寺應懷遠法師兩地由來堪取興  
三賢他日幸留詩

送故人赴江陵尋庾牧

主人持節拜荊州走馬應從一路遊  
斑竹岡連山雨暗  
批把門向楚天秋佳期笑把齋中酒  
遠意閒登城上樓  
文體此時看又別吾知小庾甚風流

送客水路歸陝

相風竿影曉來斜渭水東流去不賒  
枕上未醒秦地酒  
舟前已見陝人家春橋楊柳應齊葉  
古縣棠梨也作花  
好是吾賢佳賞地行逢三月會連沙

送丹陽劉太真

長干道上落花朝，羨爾當年賞事饒。  
下筓已憐鵝炙美，開籠不奈鴨媒嬌。  
春衣晚入青楊巷，細馬初過皂莢橋。  
相訪不辭千里遠，西風好借木蘭橈。

送客歸江州

東歸復得采真遊，江水迎君日夜流。  
客舍不離青雀舫，

人家舊在白鷗

一作鷗

洲。風吹山帶遙知雨，露溼荷裳已

報秋。聞道泉明居止近，籃輿相訪為

一作會

淹留。

題張逸人園林

花源一曲映茅堂清論閒階坐夕陽塵尾手中毛已脫

蟹螯尊上味初香春深黃口

一作鳥

傳窺樹雨後青苔散

點牆更道小山宜助賞呼兒舒簟醉巖芳

又題張逸人園林

藏頭不復見時人愛此雲山奉養真露色點衣孤嶼曉

一作月

花枝妨帽小園春時

一作問

攜幼稚諸峰上閒濯眉

鬚一水濱興罷歸來還對酌茅簷挂著紫荷巾

送劉將軍

明光細甲照鋌鍛昨日承恩拜虎牙膽大欲期一作欺姜

伯約功多不讓李輕車青巾校尉遙相許墨一作黑稍一作

稍將軍莫大一作大莫誇闕下來時親伏奏胡塵未盡不為

家

送一作寄贈鄭員外鄭時在熊尚書幕府

風流不減杜陵時五十為郎未是遲孺子亦知名下士

樂人爭唱卷中詩身齊吏部還多醉心顧尚書自有期

要路眼青一作看知已在不應窮巷久低眉

寄徐州鄭使君

江城五馬楚雲邊不羨雍容畫省年才子舊稱何水部  
使君還繼謝臨川射堂草遍收殘雨官路人稀對夕天  
雖卧郡齋千里隔與君同見月初圓

送襄垣王君歸南陽別墅

都門霽後不飛塵草色萋萋滿路春雙兔坡東千室吏  
三鴉水上一歸人愁眠客舍衣香滿走渡河橋馬汗新  
少婦比來多遠望應知蟠子上羅巾

送王誕渤海使赴李太守行營

少年結客散黃金中歲連兵掃綠林  
渤海名王曾折首漢家諸將盡傾心  
行人去指徐州近飲馬回看泗水深  
喜見明時鍾太尉功名一似舊淮陰

送王少府歸杭州

歸舟一路轉青蘋更欲隨潮向富春  
吳郡陸機稱地主錢塘蘇小是鄉親  
葛花滿把能消酒梔子同心好贈人  
早晚重過魚浦宿遙憐佳句篋中新



贈王隨

青雲自致晚

一作未

應遙朱郎新婚樂事饒飲罷更憐雙

袖舞試來偏愛五花驕帳裏爐香春夢曉堂前燭影早  
更朝更說毬場新雨歇王孫今日定相邀

同題仙游觀

一本題上無同字

仙臺下見五城樓風物淒淒宿雨收山色遙連秦樹晚  
砧聲近報漢宮秋疎松影落空壇靜細草香閒

一作閒  
小

洞幽何用別尋方外去人間亦自有丹丘

訪王起居不遇留贈

雙龍闕下拜恩初，天子令君注起居。  
載筆已齊周右史，論詩更事謝中書。  
行聞漏滴隨金仗，入對爐煙侍玉除。  
賀客自知來獨晚，青驪不見意何如。

送劉評事赴廣州使幕

征南官屬似君稀，才子當今劉孝威。  
蠻府參軍趨傳舍，交州刺史拜行衣。  
前臨瘴海無人過，却望衡陽少雁飛。  
為報蒼梧雲影道，明年早送客帆歸。

送冷朝陽還上元

青絲紵引木蘭船名遂身歸拜慶年落日澄江鳥榜外  
秋風疎柳白門前橋通小市家林近山帶平湖野寺連  
別後依依寒食一作夢裏共君攜手在東田

送高別駕歸汴州

信陵門下

一作容

識君偏駿馬輕裘正少年寒雨送歸千

里外東風沈

一作留

醉百花前身隨玉帳心應慳官佐龍

一作銅

符勢又全久客未知何計是參差去借汶陽田

送康洗馬歸滑州

腰佩雕弓漢射聲東歸銜命見雙旌青絲玉勒康侯馬

孟

一作白

水金堤滑伯城臘雪夜看宜縱飲寒蕪晝獵

一作

踏不妨行懷君又隔千山遠

一作外

別後

一作夜

春風百草

生

寄上田僕射

家封薛縣異諸

一作諸

田

一作詩傳

報主榮親義兩全僕射臨

戎謝安石大夫持憲杜延年金裝畫出羅千騎玉案晨

食直萬錢應念一身留闕下  
闔門遙寄魯西偏

送王光輔歸青州兼寄儲一作朱侍郎

幾回

一作通  
又作封

奏事建章宮  
聖主偏知漢將功  
身著紫衣

趨闕下口銜丹詔出關東  
蟬聲驛路秋山裏  
草色河橋落照中  
遠憶故人滄海別  
當年好躍五花驄

宴楊駙馬山池

一作陳羽詩  
又作朱灣詩

垂楊拂岸草茸茸  
繡戶簾前花影重  
繒下玉盤紅一作金

縷細酒開金甕綠  
醅濃中朝駙馬何平叔  
南國詞人陸

士龍落日泛舟同醉處回潭百大映千峰

送長史李少府入蜀

行行獨出故關遲南望千山無盡期見舞巴童應暫笑  
聞歌蜀道又堪悲孤城晚閉清江上匹馬寒嘶白露時  
別後此心君自見山中何事不相思

送客還江東

不妨高卧順流歸五兩行看掃翠微鼯鼠夜喧孤枕近  
鷓鴣曉避客船飛一壺先醉桃枝簟百和初熏芋

一作越

布衣君到新林江口泊吟詩應賞謝玄暉

寄令狐尚書

立身榮貴復何如龍節紅旗從板輿妙略多推霍驃騎  
能文獨見沈尚書臨風高會千門人一作帳映水連營百

乘車他日感恩慙未報舉家猶似涸池魚

扈從郊廟因呈兩省諸公

丹墀列士主恩同旆馬翩翩出漢宮奉引乘輿金仗裏  
親嘗賜食玉盤中晝趨行殿旌門北夜宿齋房刻漏東

明日駕迴承雨露齊將萬歲及春風

送端州馮

高一作

使君

白哲風流似有鬚一門豪貴領蒼梧三峰亭暗橘邊宿  
八桂林香節下趨玉樹羣兒爭翠羽金盤少妾揀明珠  
懷君樂事不可見駿馬翩翩新虎符

送王府張參軍附學及第東歸

鄰家不識鬪雞翁閉戶能齊隱者風顧步曾為小山客  
成名因事大江公一身千里寒蕪上單馬重裘臘月中



寂寂故園行見在暮天殘雪洛城東

送齊明府赴東陽

綠絲帆綵

一作綵

桂為檣過盡淮山楚水長  
萬里移家背

春穀一官行府向東陽  
風流好愛杯中物  
豪蕩仍欺陌上郎  
別後心期如在眼  
猿聲煙色樹蒼蒼

魯中送從事歸滎陽

故園衰草帶滎波  
歲晚知如君思何  
輕橐歸時魯縞薄

一作滿

寒衣縫處鄭綿多  
萬人都督鳴騶送  
百里邦君枉

騎過累路盡逢知已在曾無對酒不高歌

兗州送李明府使蘓州使赴告

一作吉

期

一本題上無兗

州二字

莫言水國去迢迢白馬吳門見不遙  
楓樹林中經楚雨  
木蘭舟上踏江潮  
空山古寺千年石  
草色寒堤百尺橋  
早晚盧家蘭室在

一作外

珊瑚玉佩徹青霄

送田明府歸終南別業

故園此日多心賞  
窗下

一作外

泉流

一作流泉

竹外雲近館應

逢沈道士比鄰自識卞田君  
離宮樹影登山見上苑鐘

聲過雪聞相勸早移一作趨  
丹鳳闕不須常戀白鷗羣

家兄自山南罷歸獻詩叙事

時輩已爭先吾兄未著鞭  
空嗟鑷鬚一作鬢日猶一作獨是

屈腰年不以殊方遠仍論水一作賞  
地偏襄橙隨客路漢

竹引歸船雲木一作外  
巴東峽林泉一作中峴北川池餘騎

馬處宅似卧龍邊夜輦千峰月  
朝窗萬井煙朱荷江女

院青稻楚人田縣舍多瀟灑  
城樓入一作得醉眠黃苞柑

正熟紅縷繪仍鮮坐厭牽絲倦因從解綬旋初辭五斗

米唯奉一囊錢室好

一作

生虛白書耽守太玄櫪中嘶

款段階下引潺湲落照淵明柳春風叔夜弦絳紗儒客

帳丹訣羽人篇雅論承安石新詩與惠連興清湖見底

襟豁霧開天魏闕心猶繫周才道豈捐一丘無自

一作自無

逸三府會招賢

奉送王相公縉

一本無此字

赴幽州巡邊

一本作奉送王相公

赴范陽一作張繼詩

黃閣開帷幄丹墀侍

一作拜

冕旒位高湯左相權總漢諸

侯不改周南化仍分趙北憂雙旌過易水千騎入幽州

塞草連天暮邊風動地秋

一作愁

無因隨

一作陪

遠道結束

佩吳鉤

寄贈虢州張參軍

三十事諸侯賢豪冠北州桃花迎駿馬蘓合染輕裘觀  
妓將軍第題詩關尹樓青林朝送客綠嶼晚回舟好果  
分通子名香贈莫愁洗杯新酒熟把燭故人留百雉歸

雲過千峰宿雨收  
蒹葭露下晚菡萏  
水中秋憶昨陪行  
樂常時接獻酬  
佳期雖霧散  
惠問亦川流  
開卷醒堪解

含毫思苦

一作若

抽無因達情意  
西望日悠悠

### 送李中丞赴商州

五馬渭橋東  
連嘶逐

一作背

曉風當年紫髯將  
他日黑頭

公不異金吾寵  
兼齊玉帳雄  
閉營春雪下  
吹角暮山空  
香麝松陰裏  
寒猿黛色中  
郡齋多賞事  
好與故人同

### 漢宮曲二首

駿馬繡

一作錦

障泥紅塵撲四蹄歸時何太晚日照杏花

西

繡幕珊瑚鈎春開

一作香闥

翡翠樓深情不肯道嬌倚鈿筩

篴

陪孟都督祭嶽途中有贈

封疆七百里祿秩二千石擁節祠太山寒天霜草白

宿甌山

山中今夜何人闕下

一作門外

當年近臣青瑣應須早去白

雲何用相親

別甌山

一身趨侍丹墀西路翩翩去時惆悵青山綠水何年更

是來一作歸期

送陳明府赴淮南

年華近逼

一作過

清明落日微風送行黃鳥綿蠻芳樹紫

騶蹶蹀東城花間一杯促膝煙外千里含情應渡淮南  
信宿諸侯擁旆相迎



送客知

一作知之

鄂州

江口千家帶楚雲  
江花亂點雪紛紛  
春風落日誰相見  
青翰舟中有鄂君

寒食

一作寒食日即事

春城無

一作風何

處不飛

一作開

花寒食東風御柳斜  
日暮

一作

一作夜漢宮傳蠟燭輕

一作青

煙散入五侯家

羽林騎

一作羽林少年行

駿

一作驄

馬牽來御柳中  
鳴鞭欲向

一作過

渭橋東紅蹄亂

蹋春城雪花領驕一作頻嘶上苑風

看調馬

鴛鴦赭白齒新齋晚日花中一作散一作故碧蹄玉勒斗

一作乍回初噴沫金鞭欲下不成嘶

寄贈衡州楊使君

湘竹斑斑湘水春  
衡陽太守虎符新  
朝來笑向歸鴻道  
早晚南飛見主人

宿石邑山中

浮雲不共此山齊，山靄蒼蒼望

一作翠

轉迷曉月暫飛高

一作十樹裏秋河隔在數峰西

江南曲

一作李益詩

長樂花枝雨點

一作滴

銷江城日暮，好相邀。春樓不閉歲

菱鎖，綠水回通

一作連

宛轉橋

贈張千牛

蓬萊闕下是天

一作君

家上路，新回白鼻騮。急管畫催平

樂酒，春衣夜宿杜陵花

漢宮曲二首

五柞宮中過臘看萬年枝上雪花殘綺窗夜閉玉堂靜

素纓朝穿

一作垂

金井寒

家在

一作漢室

長陵小市中珠簾繡戶對春風君王昨日移

仙仗玉輦迎將入漢宮

此首一作李益詩

贈李翼

王孫別舍擁朱輪不羨空名樂此身門外碧潭春洗馬

樓前紅燭夜迎人

少年行

千點爛編玉勒

一作斑  
爛噴玉

驄青絲結尾繡纏駿鳴

一作揮

鞭

曉

一作晚

出章

一作銅

臺路葉葉春衣

一作依  
又作隨

楊柳風

題玉真觀李祕書院

白雲斜日影深松  
玉宇瑤壇知幾重  
把酒題詩人散後

華陽洞裏有疎鐘

送客之潞府

官柳青青匹馬嘶  
迴風暮雨入銅鞮  
佳期別在春山裏

應是人淺五葉齊

送客貶五溪

南過猿聲一逐臣  
回看秋草淚霑巾  
寒天暮雪一作雨空

山裏幾處蠻家是主人

送齊山人歸長白山

舊事仙人白兔公  
掉頭歸去又乘風  
柴門流水依然在  
一路寒山萬木中

寄裴鄆州

烏紗靈壽對秋風  
悵望浮雲濟水東  
官樹陰陰鈴閣暮  
州人轉憶白頭翁

一作鬚

翁

梁城贈一二同幕

五營河畔列旌旗  
吹角鳴鼙日暮時  
曾是信陵門下客  
兩迴相弔不勝悲

河上寄故人

第五句  
缺一字

河流曉天濶  
水清煙日暖  
昆吾臺上春深顯  
瑣城邊鶯聲亂  
啁鶯花片細  
點龍泉  
西望情人早至  
猶應得醉

芳年

留題寧川香蓋寺壁

愛遠登高塵眼開為憐蕭寺上經臺山川誰識龍蛇虺  
天地自迎風雨來柳放寒條秋已老雁搖孤翼暮空迴  
何人曾得其中事又被殘花落日催

寄柳氏

章臺柳章臺柳顏色青青今在否縱使長條似舊垂也  
應攀折他人手





御定全唐詩卷二百四十五

欽定四庫全書

集部

御定全唐詩卷二百四十六至

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣陳墉

謄錄監生臣曹淦階

欽定四庫全書

御定全唐詩卷二百四十六

獨孤及

獨孤及字至之洛陽人天寶末以道舉高第補華陰尉  
代宗召為左拾遺俄改太常博士遷禮部員外郎歷濠  
舒二州刺史以治課加檢校司封郎中賜金紫徙常州  
卒諡曰憲集五十五卷內詩三卷今編詩二卷

海上寄蕭立

朔風剪塞草寒露日夜

一作始

結行行到瀛壖歸思生暮

節驛樓見萬里延首望遼碣遠海入大荒平蕪際窮髮

舊國在夢想故人胡且越契闊阻風

一作風

期在萍成雨

別海西望京口兩地各天末索居動經秋再笑知曷月

一本無此二句

日南望中盡

一作目窮南雲盡

唯見飛鳥滅音

一作清塵

未易得何由慰飢渴

三月三日自京到華陰於水亭獨酌寄裴六薛

八

祇後匪遑息經時客三秦還家問節候知到上巳辰山  
縣何所有高城閉青春和風不吾欺桃杏滿四鄰舊友  
適遠別誰當接歡欣呼兕命長瓢獨酌湘吳醇一酌一  
朗詠既酣意亦申言筌斲兩忘霞月祇相新裴子塵表  
物薛侯席上珍寄書二傲吏何日同車茵詎肯使空名  
終然羈此身他一作何年解桎梏長作海上人

代書寄上裴六冀劉二穎

昔余馬首東君在海北音入訥聲盡屏簿領書相與議巖

穴載來詣佳境每山有車轍長嘯林木動高歌唾壺缺  
此辭月未周虜馬嘶絳闕猛虎踞大道九州當中裂聞  
君棄孤城猶自握漢節耻栖惡木影忍與故山別脫烏  
挂嶺雲罔然若鳥逝入聲唯留潺湲水分付練溪月爾來  
大谷梨白花再成雪關梁限天險歡樂竟兩絕大盜近  
削平三川今底寧勾芒布春令屏翳收雷霆伊落日夜  
漲鳴臯蘭杜青鸞騫兩黃鵠何處遊青冥疇昔切玉刃  
應如新發硎及時當樹勳高懸景鐘銘莫抱白雲意徑

往丹丘庭功成儻長揖然後謀滄溟

客舍月下對酒醉後寄畢四耀

鄉路風雪深生事憂患迫天長波瀾廣高舉無六翮獨  
立寒夜移幽境思彌積霜月照膽淨銀河入簷白沽酒  
聊自勞開樽坐簷隙主人奏絲桐能使高興劇清機暫  
無累獻酢更絡繹慷慨葛天歌悒悒廣陵陌既醉萬事  
遺耳熱心亦適視身兀如泥瞪目傲今昔故人間城闕  
音信兩脉脉別時前盟在寸景莫自擲

先是畢贈及詩  
云洪鑪無火停

日月連若飛忽然衝  
人身飲酒不須疑

心與白日鬪十無一滿百寓形新

火內甘作天地客與物無親踈斗酒勝竹帛何必用自  
苦將貽古賢責

下弋陽江舟中代書寄裴侍御

故鄉隔西日去水連長天前路知幾許但指天南邊愴  
恨極浦外隱映青山連東風滿帆來五兩如弓弦遙羨  
繡衣客問然馬首先得餐武昌魚不顧潯陽田屈指數  
別日忽乎成兩年百花已滿眼春草漸碧鮮豈是離居



時奈何于役牽洞庭有深涉曷日期歸旋且作異鄉料  
詎知攜手緣離憂未易銷莫道樽酒賢

癸卯歲赴南豐道中聞京師失守寄權士繇韓

幼深

種田不遇歲策名不遭時胡塵晦落日西望泣路歧猛  
虎嘯北風麇麇皆載馳深泥駕疲牛蹠蹕余何之詰屈  
白道轉繚繞清溪隨荒谷嘯山鬼深林啼子規長歎指  
故山三奏歸來詞不逢眼中人調苦車逶遲士繇松筠

操幼深瓊樹姿別來平安否何階一  
申着白雲失帝鄉  
遠水恨天涯昂藏雙威鳳曷月還西枝  
努力愛華髮盛  
年振羽儀但令迤難康不負滄洲期  
莫作新亭泣徒使  
夷吾嗤

賈員外處見中書賈舍人巴陵詩集覽之懷舊  
代書寄贈

海岸望青瑣雲長天漫漫十年不一展  
知有關山難適  
逢阮始平立馬問長平一作安取公詠懷詩示我江海瀾

暫若窺武庫森然子戟寒眼明遺頭風心悅忘朝餐大  
駕今返正熊羆扈鳴鑾公遊鳳凰沼獻可在筆端繫越  
有長纓封關祇一丸問一作然翔寥廓仰望慚一作羽  
翰嘉會不我與相思歲云殫唯當袖佳句持比青琅玕

代書寄上李廣州

皖水望番禺迢迢青天末鴻鴈飛不到音塵何由達獨  
有與人歌隔雲聲誼聒皆稱府君仁百越賴全活推誠  
魚鱉信持正魑魅怛疲民保中和性足無天閼天子咨

四岳佇公濟方割幾時復旋歸入踐青瑣闥賤子託明  
德繚若松上葛別離鄙恠生結念思所豁門欄關山阻  
歧路天地闊唯憑萬里書持用慰飢渴

夏中誦于述畢耀問病見贈

救物智所昧學仙願未從行藏兩乖角蹭蹬風波中薄  
宦耻降志卧痾非養蒙閉關涉兩旬羈思浩無窮鸞鷲  
何處來雙舞下碧空離別隔雲雨惠然此相逢把手賀  
疾間舉杯欣酒濃新詩見久要清論激深衷高館舒夜

夏一作簾開門延微風火雲赫嵯峨日暮千萬峯遙指故

山笑相看撫號鐘聲和由心清一作親事感知氣同出處

未易料且歌緩愁容願君崇明德歲暮如青松

訓梁二十宋中所贈兼留別梁少府

少讀黃帝書肯不笑機事意猶負深衷未免名跡累厭

貧學干祿欲徇一作詢賓王利甘為風波人豈復江海意

擔簦平臺下是日飲羈思逢君道寸心暫喜一交臂緒

言未及竟離念已復至寧侯望南丘雲雨成兩地途殊

跡方間河廣流且駛暮帆望不及覽贈心欲醉愛君如  
金錫昆弟皆茂異奕赫連絲衣榮養能錫類君子道未  
長深藏青雲器巨鱗有縱時今日不足議唯當加餐飯  
好我袖中字別離動經年莫道分首易

庚子歲避地至玉山誚韓司馬所贈

滄海疾風起洪波駭恬鱗已無濟川分甘作乘桴人揮  
手謝秣陵舉帆指甌閩安知風塵表偶與瓊瑤親共悲  
行路難况逢江南春故園忽如夢返復知何辰曠野豺

虎滿深山蘭蕙新  
枉君灞陵什迴首  
徒酸辛

奉和李大夫同呂評事太行苦熱行兼寄院中

諸公

駟馬上太行修途亘遼碣  
王程無留駕日昃未遑歇  
請問此何時恢台朱明月  
長蛇稽天討上將方北伐  
明主命使臣皇華得時傑  
已忘羊腸險豈憚濕一作溫  
風熱搖

策汗滂滄一作池登岸思紆結  
炎雲如煙火谿谷將恐竭

畫景絕可畏涼飈何由發  
山長飛鳥墮目極行車絕  
趙

魏方俶擾安危俟明哲歸路豈不懷飲水有苦節會同  
傳檄至疑議立談決况有阮元瑜翩翩秉書札起予歌  
赤坂永好踰白雪誰念剖竹人無因執羈紲

訓皇甫侍御望天瀟山見示之作

早歲慕五嶽嘗為塵機礙孰知天柱峯今與郡齋對隱  
嶙抱元氣氤氲含青靄雲崖媚遠空石壁寒古塞漢皇  
南遊日望秩此昭配法駕到谷口禮容振荒外焚柴百  
神趨執玉萬方會天旋物順動德布澤霽霽講武威已



耀學仙功未艾黃金竟何成洪業遽淪昧度世若一瞬  
昨朝已千載如今封禪壇唯見雲雨晦長望哀往古勞  
生慙大塊清暉宰相娛幽獨知所賴寒城春方正初日  
明可愛萬殊喜陽和余亦荷時泰山色日夜綠下有清  
淺瀨愧作拳僂人沈迷簿書內登臨歎拘限出處悲老  
大况聽郢中曲復識湘南態思免物累牽敢令道機退  
瞞然一作永日誦佳句持此一作比秋蘭佩

送陳兼應辟兼寄高適賈至

結綠處燕石卞和不必知所以王佐才未能忘茅茨罷  
官梁山外獲稻楚水湄適會傅巖人虛舟濟川時天網  
忽搖頓公才難棄遺鳳翔千仞今始一鳴岐上馬指  
國門舉鞭謝書帷預知大人賦掩却歸來詞天子方在  
宥朝廷張四維料君能獻可努力副疇咨舊友滿皇州  
高冠飛翠旌相逢絳闕下應道軒車遲高侯秉戎翰策  
馬觀西夷方從幕中事參謀王者師賈生去洛陽焜燿  
琳瑯姿芳名動北步逸韻凌南皮肅肅舉鴻毛冷一作冰

然順風吹波流有同異由是限別離漢塞隔隴底秦川  
連鎬池白雲日夜滿道里安可思夢想浩盈積物華愁  
變衰因君附錯刀送遠益淒其四海各橫絕九霄應易  
期不知故巢燕決起棲何枝

送相里郎中赴江西

君把一尺詔南遊濟滄浪受恩忘險艱不道歧路長戎  
狄方構患休牛殊未遑三秦十倉空戰卒如餓狼委輸  
資外府諏謀寄賢良有才當陳力安得遂翱翔豈不慎

井賦賦均人亦康遙知軒車到萬室安耕桑火伏金氣  
騰昊天欲蒼茫寒蟬慘巴鄧秋色愁沅湘昨日攜手西  
於今芸再黃歡娛詎幾許復向天一方躑躅話世故惆  
悵舉離觴共求數刻歡戲謔君此堂今日把手笑少時  
各他鄉身名同風波聚散未易量曷月還朝天及時開  
智囊前期儻猶闊加飯勉自強

觀海

北登渤海島迴首秦東門誰尸一作造物功鑿此天池

地一作源頭洞吞百谷周流無四垠廓然混茫際望見天

地根白日自中吐扶桑如可捫超遙一作迢迢蓬萊峰想像

金臺存秦帝昔一作曾經此登臨冀飛翻揚旌百神會望

日羣山奔徐福竟何成羨門徒空言唯見石橋足千年

里一作潮水痕

初晴抱琴登馬退山對酒望遠醉後作

年長心易感况為憂患纏壯圖迫世故行止兩茫然王  
旅方伐叛虎臣皆被堅魯人著儒服甘就南山田挈榼

上高磴超遙望平川滄江大如綆隱映入遠天荒服何  
所有山花雪中然寒泉得日景吐雷鳴湔湔舉酒勸白  
雲唱歌慰頽年微風度竹來韻我號鍾弦一彈一引滿  
耳熱知心宣曲終余亦酣起舞山水前人生幾何時大  
半百憂煎今日羈愁破始知濁酒賢

同徐侍郎五雲溪新庭

一作亭

重陽宴集作

萬峰蒼翠色雙溪清淺流已符東山趣况值江南秋白  
露天地肅黃花門館幽山公惜美景肯為芳樽留五馬

照池塘繁弦催獻酬臨風孟嘉帽乘興李膺舟  
騁望傲千古當歌遺四愁豈令永和人獨擅山陰遊

雨晴後陪王員外泛後湖得溪字

遠山媚平楚宿雨漲清溪沿沂任舟楫歡言無町畦  
酒酣相視笑心與白鷗齊

題思禪寺上方

溪口聞法鼓停橈登翠屏攀雲到金界合掌開禪扃鬱  
律衆山抱空濛花雨零老僧指香樓云是不死庭眇眇

于越路茫茫春草青遠山噴百谷繚繞馳東溟目極道

想一作何在境照心亦冥驕然諸根空破結如破瓶一本無此

二句下視三界狹但聞五濁腥山中有良藥吾欲隳天形

李冬自嵩山赴洛道中作第二十五句缺一字二十六句缺三字

皇運偶中變長蛇食中土天蓋西北傾衆星隕如雨胡

塵動地起千里聞戰鼓死人成為阜流血塗草莽策馬

何紛紛捐軀抗豺虎甘心赴國難誰謂荼荼苦天子初

受命省方造區宇斬鯨安溟波截螯作天柱三微復正



統五玉

一作土

歸文祖不圖漢官儀今日忽再覩升高望

京邑佳氣連海浦寶鼎歆景雲明堂舞干羽虎臣激

昂

禦侮腐儒著縫掖何處議鄒魯西上轅轅山

丘陵橫今古和氣蒸萬物臘月春靄吐得為太平人窮  
達不足數他日遇封禪著書繼三五

早發若峴驛望廬山

雨罷山翠鮮泠泠東風好斷崖雲生處是向峯頂道誰  
謂峰頂遠跋予可瞻討忘緣祛天機脫屣恨不早祇恐

歲云暮遂與空名老心往跡未并慚愧山上草

寒夜溪行舟中作

日沈諸山昏寂歷羣動宿孤舟獨不繫風水夜相逐雲  
歸恒星白霜下天地肅月輪大如盤金波入空谷魏闕  
萬里道羈念千慮束倦飛思故巢敢望桐與竹沈吟登  
樓賦中夜起三復憂來無良方歸候春酒熟

士辰歲過舊居

少年事遠遊出入燕與秦離居歲周天猶作勞歌人負

劍渡潁水歸馬自知津綠源到舊廬攬涕尋荒榛鄰里  
喜相勞壺觴展殷勤酒闌擊筑一作竹語及此離會因丈  
夫隨世波豈料百年身今日負鄙願多慙故山春

丙戌歲正月出洛陽書懷

往歲衣褐見受服金馬門擬將忠與貞來酬主人恩天  
地暫雷雨洪波生平原窮鱗遂躒躑躅夙昔事罕存幸逢  
帝出震授鉞清東藩白日忽再中萬方咸駿奔王風從  
西來春光滿乾坤蟄蟲競飛動余亦辭籠樊遭遇思自

強寵辱安足言唯將四方志迴首謝故園

傷春懷歸

誰謂鄉可望望在天地涯  
但有時命同萬里共歲華  
昨夜南山雨殷雷  
坼萌芽源桃不余欺  
先發秦人家寂寂  
戶外掩遲遲春日斜  
源桃默無言秦人獨長嗟  
不惜中腸苦但言會合賒  
思歸吾誰訴笑向一本指南枝花

雜詩

百花結成子春物捨我去  
流年惜不得獨坐一作空閨

暮心自有待甘為物華悞未必千黃金買得一人顧  
山中春思

懶祭川水大人家春日長獨謔晝不暮搔首慙年芳靡  
草知節換含葩向新陽不嫌三徑深為我生池塘亭午  
井竈閒雀聲響空倉花落沒屐齒風動羣木香歸路雲  
水外天涯杳茫茫獨卷萬里心深入山鳥行芳景勿相  
迫春愁未遽忘

御定全唐詩卷二百四十六

欽定四庫全書

御定全唐詩卷二百四十七

獨孤及

雨後公超谷北原眺望寄高拾遺

崖口雨足收清光洗高天虹蜺斂殘靄山水含碧鮮  
遠空霞破露月輪薄雲片片成魚鱗五陵如薺渭如帶  
目極千里關山春朝來爽氣未易說畫取花峯贈遠人

自東都還濠州奉詔王八諫議見贈

關西仕時俱稚容彪彪之鬢始相逢天地變化縣城改

天寶中及尉華陰鄭縣別後經祿山之亂鄭縣殘毀城移于州西獨有故人交態在不

言會合跡未并猶以歲寒心相待洛陽居守寄鄴侯君

著貂冠參運籌高閣連雲騎省夜新文會友涼風秋青

袍白面昔攜手冉冉府趨君記否雲分雨散十五年始

得一笑樽酒前未遑少留驟遠別况值旅雁鳴秋天二

華舊遊如夢想他時再會一作又或作遊何由緣賴君贈我郢

中曲別後想思被管弦



官渡柳歌送李員外承恩往揚州覲省

君不見官渡河兩岸三月楊柳枝千條萬條色一一勝  
綠絲花作鉛粉絮葉成翠羽帳此時送遠人悵望春水  
上遠客折楊柳依依兩舍情夾郎木蘭舟送郎千里行  
郎把紫泥書東征覲庭闈脫却貉襜褕新著五綵衣雙  
鳳并兩翅將雛東南飛五兩得便風幾日到揚州莫貪  
揚州好客行剝淹留郎到官渡頭春闌一作已應久殷  
勤道遠別為謝大堤柳攀條儻相意五里一回首明年

柳枝黃問郎還家否

東平蓬萊驛夜宴平盧楊判官醉後贈別姚太

守置酒留宴

題上一無東平二字  
題下一作贈別觀海

驛樓漲海儒秋月寒城邊相見自不足  
況逢主人賢夜清酒濃人如玉  
一斗何啻直十千木蘭為樽金為杯  
江南急管盧女弦齊童如花解郢曲  
起舞激楚歌採蓮固知別多相逢少  
樂極哀至心嬋娟少留莫辭醉前路  
方悠然明日分飛儻相憶祇應遙望西南天

同岑郎中屯田韋員外花樹歌

東風動地吹花發渭城桃李千樹雪芳菲可愛不可留  
武陵歸客心欲絕金華省郎惜佳辰祇持棣萼照青春  
君家自是成蹊處況有庭花作主人

和李尚書畫射虎圖歌

飢虎呀呀立當路萬夫震恐百獸怒彤弓金鏃當者誰  
鳴鞭飛控流星馳居然畫中見真態若務除惡不顧私  
時和年豐五兵已白額未誅壯士耻分銖遠邇懸轂中

不中不發思全功捨矢如破石可裂應弦盡敵山為空  
殺氣滿堂觀者駭颯若崖谷生長風精微入神在毫末  
作績造物可同功方叔秉鉞受命新丹青起予氣益振  
底綏靜難巧可擬嗟歎不足聲成文他時代天育萬物  
亦以此道安斯民

和贈遠

憶得去年春風至中庭桃李映瑣窗美人挾瑟對芳樹  
玉顏亭亭與花雙今年新花如舊時去年美人不在茲

借問離居恨深淺祇應獨有庭花知

和題藤架

萼萼葉成帷  
瓊瓊花落架  
花前離心苦  
愁至無日夜  
人去藤花千里強  
藤花無主為誰芳  
相思歷亂何由盡  
春日迢迢如線長

江上代書寄裴使君

何地離念劇  
江臯風雪時  
艱難傷遠道  
老大怯前期  
疇昔行藏計  
祇將力命推  
能令書信數  
猶足緩相思

詣開悟禪師問心法次第寄韓郎中

障深聞道晚根鈍出塵難濁劫相從慣迷途自謂安得  
知身垢妄始喜願珠完欲識真如理君嘗法味看

登後湖

一作登  
凌湖亭

傷春懷京師故舊

昨日看搖落驚秋方怨洛幾經開口笑復及看花時世  
事空名束生涯素髮知山山春草滿何處不相思

暮春於山谷寺上方遇恩命加官賜服誄皇甫

侍御見賀之作

天書到法堂，朽質被榮光。  
自笑無功德，殊恩謬激揚。  
還登建禮署，猶忝會稽章。  
佳句慙相及，稱仁豈易當。

荅李滁州題庭前石竹花見寄

殷烏關疑曙霞染巧類，  
匣刀裁不怕南風。  
熱能迎小暑

開遊蜂憐色好，思婦感年催。  
覽贈添離恨，愁腸日幾迴。

得李滁州書以玉潭莊見託，因書春思以詩代

荅

春物行將老，懷君意詎堪。  
朱顏因酒強，白髮對花慙。  
日

日思瓊樹書書話玉潭知同百口累曷日辦抽簪

荅李滁州憶玉潭新居見寄

從來招隱地未有剖符人  
山水能成癖巢夷擬獨親  
猪肝無足累馬首敢辭勤  
掃灑潭中月他時望德鄰

將赴京荅李紆贈別

膠漆常投分荆蠻各倦遊  
帝鄉今獨往溝水便分流  
甘作遠行客深慙不繫舟  
思君帶將緩豈直日三秋

和張大夫秋日有懷呈院中諸公



至公無暇日高閣閉秋天肘印拘王事籬花思長年績  
成心不有慮澹物猶牽竊效泉魚躍因聞郢曲妍

和大夫秋夜書情即事

上畧當分閫高情善閉關忘機羣動息無戰五兵閒鈴  
閣風傳漏書窓月滿山方知秋興作非惜二毛斑

送虢州王錄事之任

謂子文章達當年羽翼高一經俄白首三命尚青袍未  
遇須臾器安卑莫告勞盤根儻相值試用發劓刀

送長孫將軍拜歙州之任

臨難敢橫行  
遭時取盛名  
五兵常典校  
四十又專城  
浪逐樓船破  
風從虎竹生  
島夷今可料  
繫頸有長纓

送何員外使湖南

夙昔皆黃綬  
差池復瑣闈  
上田無晚熟  
逸翮果先飛  
前路舟休繫  
故山雲不歸  
王程儻未復  
莫遣鯉書稀

送江陵全少卿赴府任

冢司方春選  
劇縣得英髦  
固是攀雲漸  
何嗟趨府勞  
楚

山迎驛路漢水漲秋清  
騫翥方茲始看君六翮高

送虞秀才擢第歸長沙

充賦名今遂安親事不違  
甲科文比玉歸路錦為衣  
海運同鷗化風帆若鳥飛  
知君到三逕松菊有光輝

送陽翟張主簿之任

舊聞陽翟縣西接鳳高山  
作吏同山隱知君處劇閒  
少年當効用遠道豈辭艱  
遲子揚名後方期綠服還

送游員外赴淮西

多君有奇略投筆佐元戎已佩郎官印兼乘御史驄使  
星隨驛騎歸路有秋風莫道無書札他年懷袖空

送馬鄭州

使君朱兩轡春日整東轅芳草成舉路青山涼水源勉  
修循吏跡以謝主人恩當使仁風動遙聽輿頌誼

送義烏韋明府

妙年能致身陳力復安親不憚關山遠寧辭簿領勤過  
江雲滿路到縣海為鄰每歎違心賞吳門正早春

送陳王府張長史還京

論齒弟兄列為邦前後差十年方一見此別復何嗟極  
目故關道傷心南浦花少時相憶處招手望行車

水西館泛舟送王員外

單醪敢獻酢曲沼荷經過汎覽親魚鳥黃綠涉菱荷劇  
談增惠愛美景借清和明日汀洲草依依奈別何

李卿東池夜宴得池字

政成機不擾心愜宴忘疲去燭延高月傾壘就小池舞

盤迴雪動弦奏躍魚隨自是山公興誰令下士知

九月九日李蘇州東樓宴

是菊花開日當君乘興秋風前孟嘉帽月下庾公樓酒  
解留征客歌能破別愁醉歸無以贈祇奉萬年酬

蕭文學山池宴集

檀欒千畝綠知是辟疆園遠岫當庭戶諸花覆水源主  
人邀盡醉林鳥助狂言莫問愁多少今皆付酒樽

與韓侍御同尋李七舍人不遇題壁留贈

三徑何寂寂主人山上山亭空簷月在水落釣磯閒藥  
院雞犬靜酒壚苔蘚斑知君少機事當待暮雲還

喜辱韓十四郎中書兼封近詩示代書題贈

各牽于役間遊遨獨坐相思正鬱陶長跪讀書心暫緩  
短章投我曲何高官情緣木知非願王事敦丁回切人敢

告勞所歎在官成遠別徒言岷水纒去聲容舫

早發龍沮館舟中寄東海徐司倉鄭司戶

沙禽相呼曙色分漁浦鳴榔十里聞正當秋風渡楚水

况值遠道傷離羣津頭却望後湖岸別處已隔東山雲  
停艫目送北歸翼惜無瑤華持寄君

訓常鄒縣見贈

愛君修政若修身鰥寡乘歸乳雉馴堂上五弦銷暇日  
邑中千室有陽春謂乘見烏朝天子却愧猪肝累主人  
辭後讀君懷縣作定知三歲字猶新

後  
登山谷寺上方答皇甫侍御卧疾闕陪車騎之



梵宮香閣攀霞上天柱孤峯指掌看漢主馬蹤成蔓草

寺中間石上有竅穴古老相傳云漢武帝馬跡

法王身相示空棺

禪門第三祖  
燦大師遺塔

在此坊天寶中別駕李常開棺取金身茶毘收舍利重起塔供養

雲扶踴塔青霄庠皮寄

切松廕禪庭白日寒不見戴逵心莫展賴將新贈比琅玕

答皇甫十六侍御北歸留別作

正當楚客傷春地豈是騷人道別時俱徇空名嗟欲老  
况將行役料前期勞生多故應同病羸馬單車莫自悲

明日相望隔雲水解顏唯有袖中詩

答李滁州見寄

相逢遽嘆別離牽三見江皋蕙草鮮  
白髮俱生歡未再滄洲獨往意何堅  
愁看郡內花將歇忍過山中月屢圓  
終日望君休汝騎愧無堪報起予篇

得柳員外書封寄近詩書中兼報新主行營兵  
馬因代書戲答

郎官作掾心非好儒服臨戎政已聞  
說劍嘗宗漆園吏

戒嚴應笑棘門軍  
遙知抵掌論皇道  
時復吟詩向白雲  
百越待君言  
即叙相思不敢愴離羣

同皇甫侍御齋中春望見示之作

望遠思歸心易傷  
况將衰鬢偶年光  
時攀芳樹愁花盡  
書掩高齋厭日長  
甘比流波辭舊浦  
忍看新草遍橫塘  
因君贈我江楓詠  
春思如今未易量

傷春贈遠

去水流年日並馳  
年光客思兩相隨  
咨嗟斑鬢今承弁

慙愧新荷又發池  
楊柳逶迤愁遠道  
鷓鴣啁哳怨南枝  
憶君何啻同瓊樹  
但向春風送別離

奉和中書常舍人晚秋集賢院即事寄贈徐薛  
二侍御

漢家金馬署帝座  
紫微郎圖籍凌羣玉  
歌詩冠柏梁  
陰萬年樹肅肅五經堂  
揮翰忘朝食  
研精待夕陽  
晴空露盤迴  
秋月瑣窗涼  
遠興生斑鬢  
高情寄縹囊  
歲筵雙鷺鷥  
夙昔並翱翔  
汲冢同刊謬  
蓬山共補亡  
差池摧羽

翻流落限江湘禁省一分袂昊天三兩霜石渠遺跡滿  
水國暮雲長早晚朝宣室歸時道路光

江寧訓鄭縣劉少府兄贈別作

往年脫縫掖接武仕關西結綬腰章並趨堦手板齊仙  
山不用買朋酒日相攜抵掌誇潭壑忘情向組珪事遷  
時既往年長跡逾睽何為青雲器猶嗟濁水泥役牽方  
遠別道在或先迷莫見良田晚遭時亦杖藜

送李賓客荆南迎親

宗室劉中壘文場謝客兒當為天北斗曾使海西陞毛  
節精誠著銅樓羽翼施還申供帳別言赴倚門期恩渥  
霑行李晨昏在路岐君親兩報報遂不敢議傷離

題玉潭

碧玉徒強名水壺難比德唯當寂照心可並龔淪色

海上懷華

一作洛

中舊遊寄鄭縣劉少府造渭南

王少府峯

涼風臺上三峯月

王任鄭縣日于城角築小臺號涼風臺每與數公置酒登臨望二華雲月

不夜城邊萬里沙  
離別莫言關塞遠  
夢魂長在子真家  
和虞部韋郎中尋楊駙馬不遇

金屋瓊臺蕭史家  
暮春三月渭州花  
到君仙洞不相見  
謂已吹簫乘早霞

李張皇甫閻權等數公並有送別之作見寄因  
答

洞庭正波蘋葉衰  
豈是秦吳遠別時  
謝君篋中綺端贈  
何以報之長相思

將還越留別豫章諸公

客鳥倦飛思舊林，徘徊猶戀衆花陰。  
他時相憶雙航葦，莫問吳江深不深。

送別荆南張判官

輜車駱

一作駟

馬往從誰，夢浦蘭臺日更遲。  
欲識桃花最

多處，前程問取武陵兒。

陪王員外北樓宴待月

勸酒論心夜不疲，含情有待問誰思。  
佇看晴月澄澄影



來照江樓酩酊時

垂花塢醉後戲題

賦得俱字  
韻并序

莊周臺南十許步有丘一成上有椶藤垂花而蔓  
草荒之且隔大溝路不可涉道士張太和伐薪為  
堰封土以壅澮余亦命薙氏治蕪穢而剗宿莽遂  
闢為登賦之位位廣二席席間足以函尊酒二簋  
三月戊子及羣英由堰而升焉諸花倒垂下拂杯  
案紫葩繡縵如釵如旒衆君子瞻弄之不足故秉

燭進酒以繼落日欲稱醉而不能也因命其地曰  
垂花塢堰曰綠花塢亦飾之以詩云

紫蔓青條拂酒壺落花時與竹風俱歸時自負花前醉  
笑向儵魚問樂無

欽定四庫全書

御定全唐詩卷二百四十八

郎士元

郎士元字君胄中山人天寶十五載擢進士第寶應初  
選畿縣官詔試中書補渭南尉歷右拾遺出為郢州刺  
史與錢起齊名自丞相以下出使作牧二君無詩祖餞  
時論鄙之故語曰前有沈宋後有錢郎集二卷今編詩  
一卷

題劉相公三湘圖

昔別醉

一作歲別

衡霍邇來憶南州今朝平津邸兼得瀟湘

遊稍辨郢

一作荆

門樹依然芳杜洲微明

一作月

三巴峽咫尺

尺萬里流飛

一作去

鳥不知倦遠帆生暮愁涪陽指天末

北渚空悠悠枕上見漁父坐中常狎鷗誰言魏闕下自有東山幽

長安逢故人

數年音信斷不意在長安馬上相逢久人中欲認難一

官今懶道雙鬢竟看莫問生涯事只應持釣竿

送韋湛判官

高閣晴一作清江上重陽古城閒聊因送歸客更此望鄉

山一作關惜別心能醉經秋鬢自斑臨流興不盡惆悵水

雲間

送長沙韋明府一本題下有之縣二字

秋入長沙繫蕭條旅宦心煙波連桂水官舍映楓林雲

日一作樹楚天一作山暮沙汀白露深遙知訟堂裏佳本作嘉

政在鳴琴

送孫願一作願

悠然一作富春客憶與暮潮歸擢第人多羨如君獨步

稀亂流江波淺遠色海山微若訪新安路嚴陵有釣磯

送林宗配雷州一作送王蔡流雷州

昨日三峰尉今朝萬里人平生任孤直豈是不防身海

霧多為瘴山雷一作隣遙憐北戶一作憲月與子獨相親

送洪州李別駕之任

南去秋江遠孤舟興自多能將流水引更入洞庭波夏  
口帆初上潯陽鴈正過知音在霄漢佐郡豈蹉跎

送楊中丞和蕃

錦車登隴日邊草正萋萋舊好尋一作隨君長新愁聽一作

送鼓鼙河源飛鳥外雪嶺大荒西漢壘今猶在遙知路  
不迷

送李將軍赴定州一作送彭將軍

雙旌漢飛將萬里授一作獨橫戈春色臨邊一作關盡黃雲

出塞多鼓鼙悲絕漠烽戍一作火隔長河莫斷一作想到陰山

路一作天驕已請和

關公祠送高員外還荊州

將軍稟天姿義勇冠今昔走馬百戰場一劍萬人敵雖

一作誰為感恩者竟是思歸客流落荆巫間裴回故鄉隔

離筵對祠宇灑酒暮天碧去去勿復言銜悲向陳一作塵

跡

送張南史一作寄李紆



雨餘深巷靜獨酌送殘春車馬雖嫌僻鶯花不棄

一作厭

貧蟲絲

一作聲

粘戶網鼠跡印牀塵借問

一作聞道

山陽

一作陰

會如今有幾人

### 送奚賈歸吳

東南富春渚曾是謝公遊今日奚生去新安江正秋

一作

流

水清迎

一作容清

過客霜

一作楓

葉落

一作伴

行舟遙想赤亭

下聞援應夜愁

### 送陸員外赴潮州

含香臺上客剖竹海邊州楚地一作驛又作使多歸信閩溪足

亂流今朝永嘉興一作路重見謝公遊

送裘補闕入河南一作東幕

皎然青瑣客何事動行軒苦節酬知己清吟去掖垣秋

城臨海樹寒月一作日上營門鄒魯詩書國一作地應無鼙

鼓喧

送韓司直路出延陵一作劉長卿詩

遊吳還適越來往任風波復送王孫去其如春草何岸

江一作明殘雪在潮滿夕陽多  
季子留遺廟停舟試一過

塾屋縣鄭礪宅送錢大一作送別錢起  
又作送友人別

暮蟬不可聽落葉豈堪聞  
共是悲秋客那知此路分  
荒城背流水遠鴈入寒雲  
陶令門前一作東籬菊餘花可贈君

送元詵還丹陽別業

已知成傲吏復見解朝衣  
應向丹陽郭秋山獨對一作掩

扉草堂連古寺江日動晴暉  
一別滄洲遠蘭橈幾歲歸

送崔侍御往容州宣慰

秦春

一作

原獨立望湘川擊隼南飛向楚天奉詔不言空

問

一作

俗清時因得訪遺賢荆門曉色兼梅雨桂水春

風過客

一作

船疇昔常聞陸賈說故人今日豈徒然

朱方南郭留別皇甫冉

一作皇甫冉詩題  
作潤州南郭留別

縈迴楓葉岸留滯木蘭橈吳岫新經雨江天正落潮故

人勞見愛行客自無憀

一作

若問前程事孤雲入剡遙

贈張五諲歸濠州別業

常知罷官意果與世人疎復此涼風起仍聞濠上居故

山期採菊秋水憶觀魚  
一去蓬蒿徑羨君門有餘

送王司馬赴潤州

暫屈文為吏聊將祿代耕  
金陵且不遠山水復多名楚  
塞因高出寒潮入夜生  
離心逐春草直到建康城

留盧秦卿

一作司空曙詩

知有前期在歡如  
一作難分此夜中無將故人酒  
不及古淳

一作石尤風

贈強山人

或掉輕舟或杖藜尋常適

一作隨

意釣前溪草堂竹逕在

何處落日孤煙寒渚西

贈韋

一作韓

司直

聞君感歎二毛初舊友相依

一作邀

萬里餘烽火

一作戍

有

時驚暫定甲兵無處可安居客來吳地星霜久家在平

陵音信疎昨日

一作夜

風光

一作東風又作春風

還入戶登山臨水

意何如

石城館酬王將軍

誰能繡衣客肯駐木蘭舟連鴈沙邊至孤城江上秋歸  
帆背南浦楚塞入西樓何處看離思滄波日夜流

酬王季友題半日村別業兼呈李明府

村映寒原日已斜煙生密竹早歸鴉長溪南路當羣岫  
半景東隣照數家門通小徑連芳草馬飲春泉踏淺沙  
欲待主人林上月還思潘岳縣中花

酬二十八秀才見寄

昨夜山月好故人果相思清光到枕上嫋嫋涼風時永

意能在我惜無攜手期

冬夕寄青龍寺源公

欲屨入寒竹安禪過漏聲高松殘子落深井凍痕生罷  
磬風枝動懸燈雪屋明何當招我宿乘月一作興上方行

塞下曲

寶刀塞下兒身經一作輕身百戰曾百勝壯心竟未嫖姚知

白草山頭日初沒黃沙戍下悲歌一作發發一作城下蕭一作歌聲發

條夜靜邊風吹獨倚營門望秋月



柏林寺南望

溪上遙聞精舍鐘，泊舟微徑度深松。青山霽後雲猶在，

畫出東

一作西

南四五峰

宿杜判官江樓

適楚豈吾願，思歸秋向深。故人江樓月，永

一作夜

夜千里

心葉落覺

一作攪

鄉夢鳥啼驚，越吟寥寥更何有。斷續空

孤 一作城 礎

春宴王補闕城東別業

柳陌乍隨洲勢轉  
花源忽傍竹陰開  
能將瀑水清人境  
直取流鶯送酒杯  
山下古松當綺席  
簷前片雨滴春苔  
地主同聲復同舍  
留歡不畏夕陽催

郢城西樓吟

一作張繼詩

連山盡處

一作塞

水縈迴山上戍

一作城

門臨水開朱欄直

下一百丈日煖遊鱗自相向  
昔人愛險閉層城  
今日愛

閒江復清

張繼集作今人復愛閒江清

沙洲楓岸無來客  
草綠花紅

山鳥鳴

聽鄰家吹笙

鳳吹聲如隔綵霞  
不知牆外是誰家  
重門深鎖無尋處  
疑有碧桃千樹花

登丹陽北樓

一作張繼詩

寒臯那可望旅望  
又初還迢遞高樓上  
蕭條曠一作涼野

閒一作間暮晴  
依遠水秋興屬連山  
浮一作遊客時相見霜

凋動一作朱翠顏

題精舍寺

一作酬王季友秋夜宿露臺寺見寄

石林精舍武溪東

一作中

夜扣禪關

一作扉

謁遠公月在上

方諸品靜僧持半偈萬緣空  
秋山竟日聞猿嘯

一作蒼苔古道

行應遍

落木寒泉聽不窮

一作更憶

雙峰最高頂此心期

與故人同

雙林寺謁傅大士

草露

一作徑

經前代津梁及後人  
此方今示滅何國更分

身月色空知夜松陰不記春  
猶憐下生日應在一微塵

題尹真人祠

宵宵雲旗去不還  
陰陰祠宇閉空山  
我來始悟丹青妙  
稽首如逢冰雪顏

山中即事

入谷多春興  
乘舟棹碧潄  
山雲昨夜雨  
溪水曉來深

湘夫人二首

樂府詩  
作一首

蛾眉對湘水  
遙哭蒼梧山  
一作萬乘既已歿  
孤舟誰忍

還至今楚竹  
上猶有淚痕斑

南有潯陽路  
渺渺多新愁  
桂酒神降  
一作昔時迴風  
一作

風江上秋彩雲忽無處碧水空安流

蓋少府新除江南尉問風俗

聞君作尉向江潭吳越風煙到自

一作處

諳客路尋常隨

竹影人家大底傍山嵐綠溪花木偏宜遠避地衣冠盡  
向南惟有夜猿啼海樹思鄉望國意難堪

春宴張舍人宅

嬾尋芳草徑來接待臣筵山色知殘雨墻陰覺暮天鶯

啼一作歸

漢宮柳花隔

一作隱

杜陵煙地與東城

一作隣

接春

光醉目前

寄李袁州桑落酒

色比瓊漿猶嫩香同甘露仍春十十提攜一斗遠送瀟湘故人

贈萬生

一作贈高萬生

下第還吳

直道多不偶美才應息機  
灞陵春欲暮雲海獨言歸  
為客成白首入門嗟布衣  
尊羹若可憶慙出掩柴扉

送大德講

一作講師

時河東徐明府招

遠近作

一作主

人天王城指日邊  
宰君迎說法童子伴隨

緣到處花為雨  
行時杖出泉  
今宵松月下  
開閣想安禪

赴無錫別靈一上人

一作劉長卿詩  
一作皇甫冉詩

高僧本姓竺  
開士舊名林  
一入春山裏  
千峰不可尋  
新

年芳草徧度

一作終

日白雲深欲問

一作徇

微官去懸知訝

此心

送粲上人兼寄梁鎮員外

季月還鄉獨未能  
林行溪宿厭層冰  
尺素欲傳三署客



雪山一作中愁送五天一作溪僧連空朔氣橫秦苑滿目寒

雲隔灞陵借問從來香積寺何時攜手更同登

送韋逸人歸鍾山

一作皇甫冉詩

逸人歸路遠弟子出山迎服藥顏猶一作雖駐耽書癖已

成柴扉多一作度歲月藜杖見公卿更作儒林傳應須載

姓名

登無錫北樓

一作皇甫冉詩

秋興因危堞歸心過遠山風霜征鴈早江海旅人還驛

樹寒仍密漁舟晚更閒  
仲宣何所賦祇欲滯柴關

一作祇歎

在荆

蠻

和王相公題中書叢竹寄上元相公

多時仙掖裏色並翠琅玕  
幽意含煙月清陰庇蕙蘭枝  
繁宜露重葉老愛天寒  
竟日雙鸞止孤吟為一看

酬蕭二十七侍御初秋言懷

楚客秋多興江林月漸生  
細枝涼葉動極浦早鴻聲  
勝賞睽前夕新詩報遠情  
曲高慙和者惆悵閉寒城

奉和杜相公益昌路作

春半梁山正落花  
台衡受律向天涯  
南去援聲傍雙節  
西來江色遶千家  
風吹畫角孤城曉  
林映蛾眉片月斜

已見廟謨能喻蜀  
新文更喜報金華

一作京

賦得長洲苑送李惠

草深那可訪地久

一作主

阻相傳散漫三秋雨  
疎蕪萬里

煙都迷採蘭處  
強記館娃年  
客有遊吳者  
臨風思眇然

別房士清

世路還相見，偏堪淚滿衣。那能郢門別，獨向鄴城歸。平  
楚看蓬轉，連山望鳥飛。蒼蒼歲陰暮，况復惜馳一作暉。

送彭偃房由赴朝因寄錢大郎中李十七舍人

衰病已經年，西峰望楚天。風光欺鬢髮，秋色換山川。寂  
寞浮雲外，支離漢水邊。平生故人遠，君去話潸然。

送李遂之越

未習風波事，初為東越遊。露霑湖草晚，一作月照海山

秋。梅市門何處，蘭亭水向一作流。西興一作待潮信，落

日滿孤舟

送鄭正則徐州行營

一作皇甫冉詩

從軍非隴頭師

一作帥

在古徐州氣勁三河卒功全萬戶

侯元戎關外畧才子握

一作帷

中籌莫聽關山曲還生塞

上愁

送錢拾遺歸兼寄劉校書

墟落歲陰暮桑榆煙景昏蟬聲靜空館雨色隔秋原歸

客不可望悠然林外

一作藍上

村終當報芸閣攜手醉柴門

送郴縣裴明府之任兼充宣慰

白蘋楚水三湘遠  
芳草秦城二月初  
連鴈北飛看欲盡  
孤舟南去意何如  
渡江野老思求瘼  
候館郴人憶下車  
別後天涯何所寄  
故交惟有袖中書

送李毅湖南書記

憐君才與阮家同  
掌記能資亞相雄  
入楚豈忘看淚竹  
泊舟應自愛江楓  
誠知客夢煙波裏  
肯厭猿鳴夜雨中  
莫信衡湘書不到  
年年秋鴈過巴東

送麴司直

曙雪蒼蒼兼曙雲朔風煙

一作燕

鴈不堪聞貧交此別無

他贈唯有青山遠送君

送別

穆陵關上秋雲起安陸城邊遠行子薄暮寒蟬三兩聲

迴頭一作望故鄉十萬里

咸陽西樓別竇審

西樓迴起寒原上霽日遙分萬井間小苑城隅連渭水

離宮曙色近京關  
亭舉寂寞傷孤客  
雲雪蕭條滿衆山  
時命如今猶未偶  
辭君擬欲拂衣還

聞蟬寄友人

一作李  
端詩

昨日始聞鶯  
今朝蟬又鳴  
朱顏向華髮  
定是幾年程  
故國白雲遠  
閒居青草生  
因垂數行淚  
書寄十年兄

送李騎曹之靈武寧侍

一歲一歸寧  
涼天數騎行  
河來當塞曲  
山遠與沙平  
縱獵旗風卷  
聽笳帳月生  
新鴻引寒色  
迴日滿京城



馮翊西樓

一作張繼詩

城上西樓倚暮天  
樓中歸望正淒然  
近郭亂山橫古渡  
野莊喬木帶新煙  
北風吹鴈聲能苦  
遠客辭家月再圓

陶令好文常對酒  
相招一和白雲篇

張繼集作相招那惜醉為眠

郢城秋望

白首思歸歸不得  
空山聞鴈鴈聲哀  
高城落日望西北  
又見秋風逐水來

夜泊湘江

湘山木落洞庭波  
湘水連雲秋鴈多  
寂寞舟中誰借問  
月明只自聽漁歌

留別常著

歲晏蒼郊蓬轉時  
遊人相見說歸期  
宓君堂上能留客  
明日還家應未遲

送張光歸吳

看取庭蕪白露新  
勸君不用久風塵  
秋來多見長安客  
解愛鱸魚能幾人

聞吹楊葉者二首

妙吹楊葉動悲笳  
胡馬迎風起恨賒  
若是鴈門寒月夜  
此時應卷盡驚沙

天生一藝更無倫  
寥亮幽音妙入神  
吹向別離攀折處  
當應合有斷腸人



御定全唐詩卷二百四十八